

Američki institut za mir potvrdio navode Haškog tribunala

U Srebrenici izvršen genocid

BANJA LUKA - Izvještaj *Razrješavanje jugoslavenskih kontroverzi* Američkog instituta za mir u okviru programa *Inicijativa naučnika* potvrđuje navode Haškog tribunala da se u slučaju stradanja Bošnjaka u Srebrenici 1995. godine radilo o genocidu, prenosi *Fena*.

Spomenuti izvještaj predstavljen je u ponedjeljak na preskonferenciji u Banjoj Luci.

Direktor programa *Inicijativa naučnika* Čarli Ingrao saopćio je da podaci do kojih su došli naučnici ovog programa govore o 100.000 stradalih u BiH.

Naučnici su došli do podataka na osnovu raspoloživih dokumenata da ne-postoje dokazi da su **Franjo Tuđman i Alija Izetbegović** imali plan o etničkom čišćenju na teritoriji Hrvatske, odnosno BiH, ali da 1991. godine takvog plana nije imala ni JNA.

Prema nalazima naučnika, najviše protjeranih, silovanih i ubijenih su pripadnici bošnjačkog naroda i to od Srba. Podaci do kojih se došlo tokom rada na spomentom izvještaju ukazuju i da je cifra od 50.000 silovanih Bošnjakinja od srpskih snaga pretjerivanje.

U izvještaju se navodi i da postoje indikacije da su Bošnjaci na organizovan način 1993. i 1995. godine vršili ratne zločine i to pod komandom **Nasera Orića** i generala **Atifa Dudakovića**, ali i indikacije koje govore da je organizovanog plana o ratnim zločinima bilo i 1995. godine od **Slobodana Miloševića** i **Ratka Mladića**.



Srebrenica - tokom agresije ubijene hiljade Bošnjaka